



KANTONALNA UPRAVA
CIVILNE ZAŠTITE

Broj: 16-14-15268-27/16

Datum: 07.12.2016. godine

Na osnovu člana 70. i člana 25. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 16-14-15268-26/16 od 02.12.2016.godine, u postupku javne nabavke za LOT-4 Oprema za operativni centar za potrebe Kantonalne uprave civilne zaštite, direktor Kantonalne uprave civilne zaštite Zeničko-dobojskog kantona, donosi:

ODLUKU o izboru najpovoljnijeg ponuđača

1. Prihvata se preporuka Komisije za javnu nabavku iz Zapisnika broj: 16-14-15268-26/16 od 02.12.2016. godine i ugovor za LOT – 4 Oprema za operativni centar za potrebe Zeničko-dobojskog kantona dodjeljuje se ponuđaču: „A.E.Sigurnost“ d.o.o. Zenica, Ul. Branilaca Bosne br.16/a, 72000 Zenica, za ponudenu cijenu od 38.819,90 KM, kao najbolje ocijenjenom ponuđaču.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Kantonalna uprava civilne zaštite.

O b r a z l o ž e n j e

Kantonalna uprava civilne zaštite je na osnovu Odluke o pokretanju postupka javne nabavke broj: 16-14-15268-1/16 od 17.10.2016.godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 55.532,25 KM bez PDV-a.

Ugovorni organ je objavio obavještenje na portalu javnih nabavki broj: 13396-1-1-1-3-1/16 dana 25.10.2016.godine.

Komisija za provođenje postupka javne nabavke, koja je imenovana Rješenjem broj: 16-14-15268/16 od 02.09.2016.godine, blagovremeno je izvršila javno otvaranje ponuda, te pregled i ocjenu ponuda i zapisnikom od 02.12.2016.godine, konstatovala da je u predviđenom roku pristiglo dvije ponude, ponuđača: „A.E.Sigurnost“ d.o.o. Zenica, „A&D Company“ d.o.o. Kakanj.

Nakon pregleda i ocjene ponuda naprijed navedenih ponuđača, Komisija je u zapisniku od 02.12.2016.godine konstatovala da sljedeće ponude nisu prihvatljive iz razloga:

Ponuda ponuđača „A&D Company“ d.o.o. Kakanj se odbacuje na osnovu člana 68. stav (1) i stav 4., tačka (i) Zakona o javnim nabavkama („Sl. Glasnik BiH“, broj: 39/14) iz razloga što ponuda nije potpuna i dobavljač nije dostavio tražene dokaze.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

-ekonomski najpovoljnije ponude, odnosno broja bodova izračunatih na osnovu kriterija utvrđenih u obavještenju o nabavci i tenderskom dokumentu, kako slijedi:

Cijena	90%
Uslovi i način plaćanja	5%
Rok isporuke	5%.

i rangiranje prihvatljive ponude prema kriteriju za izbor je sljedeće:


1. :“A.E.Sigurnost“ d.o.o. Zenica, ukupno 99 bodova

Iz navedenih razloga, primjenom člana 64. stav 1. tačka a) Zakona o javnim nabavkama, donesena je odluka kao u dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x a/a



DIREKTOR

Džavid Aličić